

## **Poziv za organizacije Crvenog krsta/križa u BiH za izražavanje interesa za učešće u projektu Projekat „Starenje i zdravlje“**

### **Generalni cilj: Unapređenje zdravlja i dobrobiti starije populacije**

#### **Uvod**

Društvo Crvenog krsta/križa Bosne i Hercegovine (DCK BiH) u okviru projekta “Starenje i zdravlje”, uz podršku Švicarskog Crvenog krsta/križa (ŠCK), objavljuje poziv za lokalne organizacije Crvenog krsta/križa (lokalne organizacije CK) i lokalnu administraciju (općine/opštine, gradove) sa područja Bosne i Hercegovine i to iz Zeničko-dobojskog kantona, Srednjobosanskog kantona, Regija Birač i Regija Semberija-Majevica-Posavina za iskazivanje interesa za učešće u projektu.

Glavni cilj projekta jeste unapređenje zdravlja i dobrobiti starije populacije kroz pružanje njege i pomoći u kući i stvaranje ambijenta za aktivno i zdravo starenje. Projekat se dakle sastoji od dvije komponente: njege i pomoći u kući aktivnog zdravog starenja.

Cilj ovog poziva za izražavanje interesa jeste identifikacija tri nove lokalne organizacije CK i mjesnih zajednica u tim općinama/opštinama/gradovima, koje će se, nakon obilaska terena i utvrđivanja navedenih uvjeta, pridružiti općinama/opštinama i gradovima u Bosni i Hercegovini u kojima se program već implementira.

DCK BiH uz podršku ŠCK podržava lokalne organizacije CK u izgradnji modela njege i pomoći u kući dostupnog za starije osobe i osobe sa onesposobljenjem. Njegu i pomoć u kući pružaju medicinske sestre i njegovateljice korisnicima koji se za iste prijave Crvenom krstu/križu i koji su spremni pokriti dio troškova, kao i korisnicima koji nisu u mogućnosti snositi troškove, po razvijenim kriterijima. Model njege i pomoći u kući koji se bude razvijao pri organizacijama CK uz podršku strukture DCK BiH, mentorsku podršku iz drugih organizacija CK i ŠCK, nadopunjavati će usluge koje pružaju domovi zdravlja i centri za socijalni rad. Model je razvijen na taj način da se njegovi troškovi pokrivaju od strane ŠCK, lokalne administracije, te participacijom od strane korisnika/klijenta. Učešće ŠCK na početku projektne faze je pokriveno većim procentom, dok se kroz naredne projektne godine procentualno učešće od strane lokalne administracije polako povećava, u cilju postizanja održivosti.

Kao što je poznato, poduzimanje mjera radi očuvanja zdravlja i vitalnosti u starijoj dobi su potreba, a ne luksuz. Projektna komponenta Aktivno zdravo starenje, upravo ima za cilj da podrži starije osobe u namjeri da ostanu aktivni i zdravi. Preuzimajući ulogu učesnika u razvoju zajednica, formirane grupe aktivnog starenja će učestvovati i u procesima donošenja odluka, kako u lokalnoj zajednici, tako i kroz Mrežu aktivnog starenja. Grupe aktivnog zdravog starenja će, uz podršku vršnjačkih mentora, sprovesti planiranje potreba u svakoj projektnoj zajednici. Rezultati tog mapiranja će poslužiti kao ulaznica za iniciranje aktivnosti pružanja volonterskih društvenih usluga i podizanja nivoa pripremljenosti zajednice da odgovori na potrebe najugroženijih sugrađana, što bi u konačnici vodilo i ka njihovoj integraciji u društvene aktivnosti zajednice. Mreža aktivnog starenja će, u saradnji sa partnerima iz strukture DCK BiH lobirati

prema lokalnoj administraciji za donošenje strateških dokumenata koji bi osigurali podršku potrebnu za održivost projekta i njegovih aktivnosti u budućnosti. Projekat će lokalnim organizacijama CK omogućiti da u saradnji sa nadležnom gradskom/općinskom/opštinskom upravom predloži mjesne zajednice gdje postoje minimalni uslovi za okupljanje građana i osnivanje grupa aktivnog starenja, kao i korisnike koji trebaju usluge pomoći njege u kući kroz Crveni krst/križ. Volonterstvo u zajednici će se jačati kroz grupe aktivnog zdravog starenja, a koji će biti obučeni da pružaju društvene volonterske usluge. Jačanjem članova grupa aktivnog zdravog starenja i njihovim volonterskim angažmanima doprinijeti će se unapređenju kvaliteta života za starije osobe u zajednicama. Ovim pristupom stvoriti će se jezgre za promociju zdravlja u zajednici i brige o licima u potrebi. Gradske/općinske/opštinske vlasti izjavljuju da su saglasni i da će snositi režijske troškove za aktivnosti koje se budu organizovale u mjesnim zajednicama.

Projekat će podržati odabrane lokalne organizacije CK u dodatnoj izgradnji njihovih kapaciteta kako bi se isti mogao samostalno implementirati. Partneri na projektu će sarađivati s ciljem stvaranja ambijenta koji je prilagođen potrebama starije populacije.

U razmatranje za izbor ući će jedino one organizacije u kojima su zajednice i lokalne organizacije CK jasno demonstrirale podršku za obje projektne komponente, te identifikovale nadležne projektne kontakt osobe u organizaciji CK i u lokalnoj administraciji. Spisak kriterija je naveden u daljem tekstu (pogledati Kriterije za procjenu).

Poziv se raspisuje za učešće u projektu na period od 8 mjeseci (01.09.2024. – 30. 04. 2025.) sa mogućnošću produžetka od 3 do 4 godine u narednoj projektnoj fazi.

#### **Tabela 1. Pojašnjenje projektnog finansiranja**

Primjer ukupnih operativnih troškova (plate njegovateljskog osoblja, troškovi goriva i održavanja vozila, troškovi higijensko-medicinskog materijala i uredski troškovi) za provedbu njege i pomoći u kući:

1. Maksimalno 21.450 KM za minimalno 30 korisnika sa maksimalno 3 uposlenika u periodu oktobar – decembar 2024.
2. Maksimalno 36.600,00 KM za minimalno 40 korisnika sa maksimalno 4 uposlenika u periodu januar – april 2025. (uz očekivano širenje u narednim projektnim godinama)



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



Switzerland.

| Finansijer                 | I godina (oktobar – decembar 2024.) | II godina (januar – april 2025.) |
|----------------------------|-------------------------------------|----------------------------------|
| Općina/opština/grad        |                                     | Minimalno 10%                    |
| Crveni krst/križ           | Uvođenje učešća                     | Minimalno 10%                    |
| Švicarski Crveni krst/križ | 100%                                | Maksimalno 80%                   |

### Kako aplicirati?

Sve prijave na Poziv moraju ispunjavati uslove u skladu sa kriterijima iz Poziva. Pitanja u vezi sa pripremom na prijave na poziv i konačne prijave sa pripadajućom dokumentacijom slati isključivo putem e-maila na:

Društvo Crvenog krsta/križa Bosne i Hercegovine:

- Jasmin Nikšić - [jasmin@rcsbh.org](mailto:jasmin@rcsbh.org)

Švicarski Crveni krst/križ, ured u BiH:

- Sarafina Vilušić [sarafina.vilusic@redcross.ch](mailto:sarafina.vilusic@redcross.ch);
- Amela Fočić [amela.focic@redcross.ch](mailto:amela.focic@redcross.ch)

### Proces evaluacije i vremenski okvir

Na Poziv kojim izražavate interes za učešće u projektu možete se prijaviti do **22.07.2024. godine**.

Tokom procesa evaluacije, članovi Komisije za izbor organizacija Crvenog krsta/križa za učešće na projektu „Starenje i zdravlje“ mogu Vas kontaktirati nekoliko puta ili posjetiti Vašu organizaciju, u slučaju da su potrebna dodatna pojašnjenja ili informacije. Sve organizacije koje apliciraju na projekat će biti obavještene o rezultatima najkasnije do 15.08.2024. godine. Sa organizacijama koje budu odabrane, kao i sa njihovim lokalnim administracijama, sporazumi o implementaciji programa potpisat će se do kraja augusta 2024. godine.



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



Implementacija projekta počinje u septembru 2024. godine (podrazumijeva pripreme radnje), a pružanje njege i pomoći u kući i uspostavljanje grupa aktivnog zdravog starenja planira se od oktobra 2024. godine.

### **Kriteriji za procjenu**

Prilikom procjene novih organizacija koje iskažu interes za učešće u projektu, koristiti će se dolje navedeni kriteriji. Izričito preporučujemo organizacijama koje budu aplicirale, da slijede date kriterije kao vodič za izražavanje interesa. Razmatrati će se samo prijave Crvenog krsta/križa koje imaju saglasnost lokalne administracije o sufinansiranju projekta što se dokazuje pismom namjere o sufinansiranju lokalne administracije, kao i organizacije koje dostave poresko uvjerenje o izmirenim obavezama i potvrdu o likvidnosti, kao i potvrdu da se ne nalaze u bilo kakvom sudskom postupku. U pismu namjere od strane lokalne administracije je potrebno navesti i kontakt osobu za koordinaciju projekta ispred lokalne administracije. Pismo namjere treba da sadrži i izraženu spremnost lokalne administracije da podrži osnivanje grupa aktivnog zdravog starenja u zajednici, koje će imati nesmetan pristup prostorijama MZ te da će lokalna administracija snositi režijske troškove u odabranim zajednicama. Pored toga, lokalna administracija će sa lokalnim organizacijama CK dostaviti prijedlog MZ koje bi bile spremne da organizuju grupu aktivnog zdravog starenja u zajednici, sa njihovom kontakt osobom.

Nepotpune prijave neće biti razmatrane.

### **Potrebna dokumentacija:**

- Saglasnost lokalne administracije o sufinansiranju projekta / pismo namjere – izdaje lokalna administracija
- Poresko uvjerenje o izmirenim obavezama – izdaje poreska uprava
- Potvrda o likvidnosti – izdaje banka
- Potvrda da se ne organizacija ne nalazi u bilo kakvom sudskom postupku – izdaje sud

### **Dodatna dokumentacija:**

- Potvrda o iskustvu u istim ili sličnim programskim aktivnostima – izdaje organizacija CK koja aplicira
- Potvrda o profesionalnim upravljačkim kapacitetima i ljudskim resursima organizacije sa kompetencijama i kvalifikacijama za implementaciju projekta – izdaje organizacija CK koja aplicira
- Lista od najmanje 30 potencijalnih klijenata (muškaraca i žena) programa pomoći i njege u kući iz zajednica gdje se predlaže i sprovođenje komponente aktivno zdravog starenja – izdaje organizacija CK koja aplicira



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



Switzerland.

- Izjava o spremnosti organizacije na statutarne i druge neophodne promjene – izdaje organizacija CK koja aplicira
- Potvrda o postojanju adekvatnog prostora za organizaciju i provedbu programa njegu i pomoć u kući – izdaje organizacija CK koja aplicira
- Izjava o volonterskim resursima (broj volontera, starosna struktura i trenizi koje su prošli i sl) – izdaje organizacija CK koja aplicira
- Izjava o raspoloživosti sa dodatnim izvorima finansiranja (osim lokalne administracije i klijenata) – izdaje organizacija CK koja aplicira
- Izjava o posjedovanju tehničke/informatičke kapacite za elektronsko praćenje implementacije projekta – izdaje organizacija CK koja aplicira

| Kriterij za OCKK  | Uputa  | I selekциони krug   | Sredstvo verifikacije  |
|---|--|---|--|
| Izražena finansijska podrška od strane lokalne administracije, uključujući i podršku za osnivanje grupa aktivnog zdravog starenja u mjesnim zajednicama | U svom pismu, lokalna administracija izražava volju da finansira projektne aktivnosti, kao što je prethodno objašnjeno u Tabeli 1. Pojašnjenje projektnog finansiranja | Nema pisma- prijava ne ide u drugi finalni krug selekcije<br><br>Pismo- prijava se proslijeđuje u drugi krug za finalnu selekciju                   | Pismo podrške od lokalne administracije, sa izraženom najmerom za sudjelovanje u finansiranju  |
| Poresko uvjerenje o izmirenim obavezama<br><br>Izjava o likvidnosti<br><br><br><br>Potvrda da organizacija nije u sudskom postupku                      | Organizacija je obavezna dostaviti poresko uvjerenje o izmirenim obavezama, izjavu o likvidnosti i potvrdu da se ne nalazi u sudskom postupku                          | Nema dokumenata – prijava ne ide u drugi, finalni krug selekcije<br><br>Postoje dokumenti prijava se proslijeđuje u drugi krug za finalnu selekciju | Uvjerenje od poreske uprave<br><br>Izjava o likvidnosti od poslovne banke preko koje će se otvoriti namjenski projektni račun<br><br><br><br>Potvrda od suda |

Projektne prijave koje se nađu u finalnom izboru će biti ocjenjene prema kriterijima koji se boduju prema skali:

0=ne zadovoljava; 3=doobar; 5=vrlo dobar

| Kriteriji za organizacije Crvenog krsta/križa   | Uputstvo   | II selekциони krug - Bodovanje i pojašnjenje uz finalnu selekciju  | Način verifikacije   |
|---|--|--|--|
| Organizacija ima iskustvo u istim ili sličnim programskim aktivnostima  | <p>Ima li organizacija predhodnog iskustva rada u partnerstvu sa drugim donatorima i lokalnom administracijom? Kakva su iskustva organizacije vezano za implementaciju programa njege i pomoći u kući i aktivnog starenja?</p> <p>Navesti kratak opis projekta, partneri, period implementacije i budžet</p> | <p>0 bodova- Org. nema iskustva</p> <p>3 boda- Org. ima iskustvo sa 1-2 projekta vezana za brigu o starijim osobama</p> <p>5 bodova – Org. ima iskustvo sa više od 2 projekta brige o starijim osobama</p>                           | Izveštaji, foto dokumentacija, prilozi medijski izvještaji |
| Profesionalni upravljački kapaciteti OCKK   | Ima li organizacija odgovarajući kapacitet da upravlja projektom i finansijama? Molimo vas da definišete upravljačku strukturu   | <p>0 bodova- Nezadovoljava kriterij</p> <p>3 boda – postoje dobri kapaciteti (osoblje i procedure)za upravljanje projektima i finansijama</p> <p>5 bodova- odlični kapaciteti za upravljanje postojećim projektima i finansijama</p> | Izjava o broju uposlenika u OCKK                           |
| Postojanje ljudskih resursa sa kompetencijama i kvalifikacijama za implementaciju projekta u lokalnoj zajednici | Postojanje potencijalnog kadra koji se može angažovati na projektu sa medicinskim/njegovateljskim obrazovanjem/iskustvom   | <p>0 bodova – i projektnim lokacijama nema raspoloživog osoblja</p> <p>3 boda- u projektnim lokacijama raspoloživo njegovateljsko osoblje</p>  | Informacija zavoda za zapošljavanje                        |



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



|   |   |   |   |
|---|---|---|---|
|   |   | 5 bodova- u projektnim lokacijama raspoloživo njegovateljsko i medicinsko osoblje   |   |
| <p>Lista od najmanje 30 potencijalnih klijenata (muškaraca i žena) programa pomoći i njege u kući iz zajednica gdje se predlaže i sprovođenje komponente aktivno zdravog starenja</p> <p>(Upitnici za procjenu zajednica/korisnika u prilogu)</p> | <p>Identifikovani potencijalni korisnici koji su u mogućnosti učestvovati u troškovima pomoći i njege u kući iz čega se jasno vidi da program odgovara potrebama zajednice.</p> <p>Identifikovano najmanje 20 stajih muškaraca i žena u MZ, koje će se uključiti u program AZS</p> <p>Spremnost sprovođenja procjene za svaku projektnu godinu i podnošenje prijave za finansiranje prema ŠCK, lokalnoj administraciji i drugim donatorima.</p> | <p>3 boda - postoji lista potencijalnih korisnika, sa područja više od 4 MZ gdje je pored njege i pomoći u kući moguće sprovesti program aktivnog i zdravog starenja.</p> <p>5 bodova - postoji lista sa područja najviše 4 MZ i u kojima je moguće sprovesti program Aktivnog i zdravog starenja</p> | <p>Spiskovi potencijalnih korisnika u zajednicama gdje je moguće sprovesti i komponentu aktivnog zdravog starenja</p> |
| Spremnost organizacije na statutarne i druge neophodne promjene   | <p>Naveći koje promjene je potrebno (ako je potrebno) uraditi statuarно da biste se bavili aktivnošću njege i pomoći u kući, u kojem vremenskom okviru je moguće izvršiti potrebne izmjene/dopune</p>   | <p>3 boda - OCKK je spremna prilagoditi statut</p> <p>5 bodova- OCKK već ima statut koji odgovara potrebama implementacije projekta</p>   | Izjava/Statut   |
| Prostor za organizaciju i provedbu programa negu i pomoć u kući   | Kancelarija ili odvojeni prostor od najmanje 30m <sup>2</sup>   | <p>0 bodova - Nema prostora</p> <p>3 boda – nema, ali je lokalna administracija spremna da ga</p>   | <p>Izjava, foto dokumentacija, pismo podrške lokalne administracije</p>   |



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



Switzerland.

|  |   |  |  |
|--|---|--|--|
|  |   | <p>obezbijedi ili ima ali potrebna su minimalna ulaganja</p> <p>5 bodova - OCKK već ima identifikovan prostor na raspolaganju</p>  |  |
| Volonterski resursi                          | <p>Opisati bazu volontera, starosna struktura volontera i trenizi koje su prošli.</p>   | <p>0 bodova - OCKK nema volontera</p> <p>3 boda - OCKK ima razvijenu volontersku mrežu</p> <p>5 bodova - Pored postojeće volonterske mreže, postoje zainteresovani volonteri koji su spremni dati svoj doprinos u aktivnostima komponente aktivnog zdravog starenja, ili su sami starije osobe</p> | <p>Izjava o broju raspoloživih volontera</p>                           |
| Drugi izvori finansiranja                    | <p>Navesti ukoliko raspolažete sa dodatnim izvorima finansiranja (osim lokalne administracije i klijenata). Postoje li zainteresirani drugi nivoi vlasti, donatori, dijaspora, zdravstvene ustanove, CSR, Udruženja i slično.</p> | <p>0 bodova- ne postoje drugi izvori finansiranja</p> <p>3 boda- izražen interes</p> <p>5 bodova- izražen interes i CKK je prethodno imao financiranje ili podršku od navedenih donatora</p>   | <p>Izjava zainteresovane strane</p> <p>Memorandumi o razumijevanju</p> |
| Organizacija posjeduje tehničke/informatičke | <p>Obrazloženje sa kojim ljudskim kapacitetima organizacija raspolaže te nivo tehničke oprelenosti</p>  | <p>0 bodova - Organizacija ne posjeduje navedene kapacitet</p>   | <p>Izjava organizacije CK koja se prijavljuje na projekat</p>          |





Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



|  |  |  |  |
|--|--|--|--|
| kapacite za elektronsko praćenje implementacije projekta |  | 3 boda - Organizacija raspolaže sa svim kapacitetima<br>4 bodova - Organizacija posjeduje kapacitet i spremna ih je koristiti na implementaciji projekta |  |
|--|--|--|--|

## Implementacija projekta Starenje i zdravlje faza 2

Ukoliko vaša prijava bude odobrena od strane zajedničke komisije DCK BiH i donatora (ŠCK) uslijediti će potpisivanje tripartitnih ugovora koji će uključivati i lokalnu administraciju. Organizacije CK koje se prijavljuju na poziv odgovorne su za kompletno osiguranje projekta, odnosno odgovorne su za njegovu implementaciju u skladu sa relevantnom zakonskom regulativnom u pogledu pružanja usluga, angažmana osoblja i finansijsko upravljanje, što će biti dodatno pojašnjeno i precizirano u projektnom ugovoru.

Projekat će podržati organizacije CK u razvoju njihovih kapaciteta kako bi mogle pružati usluge njege i pomoći u kući i razvijati aktivnosti zdravog i aktivnog starenja.

## Vremenski okvir

| Vremenski okvir                        |      |     |     |     |     |     |      |     |     |     |
|--|------|-----|-----|-----|-----|-----|------|-----|-----|-----|
| Kalendarska godina implementacije      | 2024 |     |     |     |     |     | 2025 |     |     |     |
| Aktivnost                              | JUL  | AUG | SEP | OKT | NOV | DEC | JAN  | FEB | MAR | APR |
| Otvaranje poziv                        | X    |     |     |     |     |     |      |     |     |     |
| Prijave i odabir organizacija          | X    | X   |     |     |     |     |      |     |     |     |
| Potpisivanje ugovora                   |      | X   |     |     |     |     |      |     |     |     |
| Početak implementacije projekta        |      |     | X   |     |     |     |      |     |     |     |
| Pružanje njege i pomoći u kući         |      |     |     | X   | X   | X   | X    | X   | X   | X   |
| Rad grupa aktivnog zdravog starenja    |      |     |     | X   | X   | X   | X    | X   | X   | X   |
| Monitoring, evaluacija i izvještavanje |      |     | X   | X   | X   | X   | X    | X   | X   | X   |



Društvo Crvenog krsta/križa Bosne i Hercegovine  
Друштво Црвеног крста/крижа Босне и Херцеговине  
RED CROSS SOCIETY OF BOSNIA AND HERZEGOVINA

Swiss Red Cross



Switzerland.

**U prilogu:**

**Dodatak 1:** Upitnik za procjenu potreba korisnika za program njege i pomoći u kući, kojeg popunjava lokalna organizacija CK

**Dodatak 2:** Obrazac za procjenu mjesnih zajednica predloženih za program aktivnog zdravog starenja, kojeg popunjava lokalna organizacija CK u saradnji sa predstavnikom savjeta/vijeća MZ

**Dodatak 3:** Kontrolna lista

Sarajevo, juli 2024. godine